

## Protesno pismo IGK Predsjedniku univerziteta u Vankuveru

Poštovani Profesor Stephen J. Toope,

Institut za istraživanje genocida Kanada je obaviješten da Srdja Trifković, Američki Srbin 'akademik', će održati predavanje u četvrtak, 24. februara u 17:00 na Univerzity of Britiš Kolumbia, Vankuver, Kanada. Predavanje organizira Udruženje srpskih studenata. U ime mnogobrojnih žrtava zločina agresije na Bosnu i Hercegovinu i Bosanskog genocida, Institut za istraživanje genocida Kanada je šokiran činjenicom da Univerzitet Britiš Kolumbia omogućava Srđanu Trifkoviću, koji je u više navrata otvoreno negirao genocid u Bosni i Hercegovini, posebno Genocid Srebrenici, da govori na ovoj uglednoj akademskoj instituciji.

Negiranje genocida u demokratskom svijetu se smatra kao oblik rasističke propagandne mržnje koja je nespojiva s kanadskim državnim i društvenim vrijednostima, prepoznatljivim širom svijeta. Nedavno je Kanadski parlament svojom jednoglasno usvojenom rezolucijom priznao Bosanski genocid koji se dogodio u enklavi Srebrenica u julu 1995.

Istaknuti akademik, koji je preživio holokaust — sudija Theodor Meron – imao je privilegiju da sjedi kao predsjednik vijeća u žalbi Radislava Krstića u vrijeme kada je donijeta presudna odluka koja je uklonila sve nedoumice o pravnom karakteru masakra u Srebrenici. Presuda Žalbenog vijeća Međunarodnog krivičnog suda za bivšu Jugoslaviju (MKSJ) je jednoglasno utvrdila da je masakr u Srebrenici zločin genocida:

“Pokušavajući da eliminira jedan dio bosanskih Muslimana, snage bosanskih Srba su počinili genocid. Oni su odredili za uništenje četrdeset hiljada bosanskih Muslimana stanovnika Srebrenice, koji su kao grupa predstavljali bosanske Muslimane uopšte... Žalbena vijeće s potpunim uvjerenjem izjavljuje da pravo osuđuje, odgovarajućim formulacijama, duboku i trajnu štetu koja je nanesena i pokolj u Srebrenici naziva njegovim pravim imenom: genocid.” (MKSJ, Saopštenje za javnost, “Address by ICTY President Theodor Meron“, 23. juni 2004).

Genocid u Srebrenici nije pitanje nečijeg mišljenja, to je činjenica, sudski priznata prvo na Međunarodni krivičnom tribunalu za područje bivše Jugoslavije i naknadno na Međunarodnom sudu pravde.

Institut za istraživanje genocida Kanada poziva sve Kanađane, prijatelje istine i pravde da protestuju protiv Trifkovićevog predavanja na Univerzitetu Britiš Kolumbia u Vankuveru.

Institut za istraživanje genocida Kanada će informisati Parlament i Vladu Kanade.

U ime više od 50.000 Kanađana, bosanskog porijekla, žrtava zločina agresije na Bosnu i Hercegovinu i žrtava Bosanskog genocida, Institut za istraživanje genocida Kanada vas poziva da koristeći svoje ovlasti zabranite predavanje Srđanu Trifkoviću na Univerzitetu Britiš Kolumbia u Vankuveru.

Profesor Emir Ramić

Direktor Instituta za istraživanje genocida Kanada

### **Propalo predavanje Srđe Trifkovića u Vankuveru: Kanada zabranila ulazak negatoru genocida u BiH**

Brojne bh. organizacije u svijetu reagirale i tražile da se zabrani predavanje Trifkoviću, u čemu su i uspjele

Granična policija na aerodromu u Vankuveru zabranila je ulazak u Kanadu Srđi Trifkoviću, koji je na Univerzitetu Britanska Kolumbija u tom gradu trebao održati predavanje. Njegov dolazak u Vankuver organizirala je Asocijacija studenata iz Srbije.

Odluku da Trifkoviću, poznatom po otvorenom negiranju genocida i zločina u Srebrenici, zabrane ulazak na svoju teritoriju kanadske vlasti donijele su nakon reakcije brojnih organizacija i udruženja bh. građana koji žive u Kanadi, SAD i drugim državama.

Protivljenje Trifkovićevom gostovanju na Univerzitetu u Vankuveru iskazali su i Institut za istraživanje genocida Kanada (IRGC), na čijem se čelu nalazi prof. Emir Ramić, te Bosanski akademski krug iz Njemačke, smatrajući da bi njegovo predavanje bilo uvreda za sve one koji cijene ljudski život.

Prof. Ramić jučer je na zvaničnoj internet-stranici IRGC- a zahvalio i čestitao kanadskim imigracijskim vlastima na donošenju odluke da Trifkoviću zabrane ulazak u Kanadu.

- Njegov cilj bio je da širi govor mržnje. Ovo je veliki korak u kanadskoj demokratiji, posebno u smislu zaštite etničkih i vjerskih prava Kanađana od opasnih posljedica govora mržnje i poricanja genocida. Svako negiranje genocida u Kanadi i drugim demokratskim zemljama nespojivo je s demokratskim vrijednostima - naveo je prof. Ramić.

Istakao je da istina o zločinima ne dolazi sama i da se za nju treba boriti kako bi činjenice utemeljene na naučnim metodama postale globalno priznate kod međunarodnih sudova i država.

### **Rezolucija kanadskog parlamenta**

- Institut je upoznao kanadsku javnost s agresijom na BiH i genocidom nad Bošnjacima držeći se činjenice da samo naučnoistraživačka valorizacija zločina može doprinijeti njihovom priznavanju. Zahvaljujući tome, kanadski parlament usvojio je Rezoluciju o genocidu i 11. juli proglasio Danom sjećanja na žrtve genocida u Srebrenici i BiH - istakao je Ramić.

### **Srđanu Trifkoviću, negatoru genocida u Bosni i Hercegovini i propagatoru antimulimanske kampanje, zabranjen ulaz u Kanadu**

Institut za istraživanje genocida Kanada (IRGC) informiše javnost da je Srđanu Trifkoviću, negatoru genocida u Bosni i Hercegovini i propagatoru antimulimanske kampanje, zabranjen ulaz u Kanadu. Tako on nije ni održao predavanje na univerzitetu u Vankuveru. Ovo je rezultat odlične kampanje kanadske i američke bošnjačke zajednice.

IRGC se zahvaljuje i čestita kanadskim imigracijskim autoritetima za dobro obavljen posao zabrane ulaska Trifkovića u Kanadu, koji je imao cilj širenja govora mržnje. To je veliki korak u kanadskoj demokraciji, posebno u smislu zaštite etničkih i vjerskih prava Kanađana od opasnih posljedica govora mržnje i poricanja genocida.

U ime mnogobrojnih žrtava zločina agresije na Bosnu i Hercegovinu i Bosanskog genocida na izvanrednoj borbi za istinu i pravdu, IRGC se zahvaljuje Kongresu Bošnjaka Sjeverne Amerike, Institutu za istraživanje zločina protiv čovječnosti i međunarodnog prava Univerziteta u Sarajevu, Islamskoj zajednici Bošnjaka Kanade, Američkom institutu za genocid i edukaciju, Bošnjačkom akademskom krugu i mnogim drugim organizacijama i zajedincima na pomoći u lobiranju za istinu i pravdu. Posebno se zahvaljujemo članovima Međunarodnog ekspertnog tima IRGC i mnogobrojnim intelektualcima koji su svojim radom dali veliki dio u ovom uspjehu. Zahvaljujemo se sredstvima informisanja na redovnom praćenju aktivnosti u ovoj akciji.

Negiranje genocida u Kanadi i drugim demokratskim zemljama je nespojivo s demokratskim državnim i društvenim vrijednostima. To je prepoznato od zajednice kanadskih i američkih Bošnjaka i prihvaćeno od kanadske i američke vlade i društva.

Ljudska obaveza je borba protiv zločina agresije i zločina genocida. Istina o tim zločinima ne dolazi sama, za tu naučnu istinu se treba boriti da bi činjenice utemeljene na naučnim metodama postale globalno priznate kako od strane međunarodnih sudova, tako i od država. Za naučnu istinu ne samo o zločinima prema Bosni i Hercegovini i njenim narodima, već o zločinima prema svim narodima i državama u svijetu se zalaže IRGC.

IRGC upoznao kanadsku javnost sa veličinom zločina agresije na Bosnu i Hercegovinu i zločina genocida nad Bošnjacima, držeći se činjenice da samo naučno – istraživačka valorizacija zločina može doprinijeti priznavanju zločina kao puta pomirenja naroda. Zahvaljujući takvoj aktivnosti IRGC i u saradnji sa mnogim prijateljima istine o zločinima prema Bosni i Hercegovini i njenim narodima, Kanadski parlament je usvojio Rezoluciju o genocidu Bosni i Hercegovini. Proglašavajući 11. juli Danom sjećanja na žrtve genocida u Srebrenici i Bosni i Hercegovini, članovi Kanadskog parlamenta su odali dužnu počast žrtvama najvećeg genocida poslije Drugog svjetskog rata u Evropi, zločina genocida u Srebrenici.

Profesor Emir Ramić

Direktor Instituta za istraživanje genocida Kanada

## **Saopćenje za javnost Instituta za istraživanje zločina protiv čovječnosti i međunarodnog prava Univerziteta u Sarajevu povodom učestalih napada na Institut za istraživanje genocida Kanada**

Obaveza je naučnih djelatnika i akademske zajednice istraživanje zločina protiv mira, zločina genocida i drugih teških povreda međunarodnog prava. Istina o tim zločinima ne dolazi sama, za tu naučnu istinu se treba boriti da bi činjenice utemeljene na naučnim metodama postale globalno priznate kako od strane međunarodnih sudova, tako i od država.

Za naučnu istinu ne samo o zločinima prema Bosni i Hercegovini i njenim narodima, već o zločinima prema svim narodima i državama u svijetu se bori IRGC. Šireći naučnu istinu o tim zločinima IRGC daje ogroman doprinos boljoj budućnosti čovjeka i civilizacije. Posebno je značajan rad IRGC na širenju naučne istine o višestrukoj agresiji na Bosnu i Hercegovinu i genocidu nad Bošnjacima.

IRGC se posebno angažovao na širenju naučne istine o srpskom velikodržavnom projektu koji je imao, ima i imaće dva povezana cilja: teritorijalna ekspanzija, odnosno osvajanje teritorije Bosne i Hercegovine i istrijebljenje bošnjačkog naroda. IRGC pod rukovodstvom profesora Emira Ramića je za kratko vrijeme svoga postojanja, šireći naučnu istinu o zločinu prema Bosni i Hercegovini i njenim narodima upoznao kanadsku javnost sa veličinom zločina agresije na Bosnu i Hercegovinu i zločina genocida nad Bošnjacima, držeći se činjenice da samo naučno – istraživačka valorizacija zločina može doprinijeti priznavanju zločina kao puta pomirenja naroda. Zahvaljujući takvoj aktivnosti IRGC i u saradnji sa mnogim prijateljima istine o zločinima prema Bosni i Hercegovini i njenim narodima, Kanadski parlament je usvojio Rezoluciju o genocidu Bosni i Hercegovini. Proglašavajući 11. juli Danom sjećanja na žrtve genocida u Srebrenici i Bosni i Hercegovini, članovi Kanadskog parlamenta su odali dužnu počast žrtvama najvećeg genocida poslije Drugog svjetskog rata u Evropi, zločina genocida u Srebrenici. Takođe zahvaljujući aktivnostima IRGC u proceduri Kanadskog parlamenta je i zakon o genocidu u Bosni i Hercegovini. Usvajanjem toga zakona Kanada će biti prva zemlja u svijetu koja će prava žrtava genocida regulisati ne samo rezolucijom, već i zakonom.

IRGC je u svojim aktivnostima takođe upozorio da postoji međunarodna odgovornost država u međunarodnom pravu za zločin genocida. Država može imati međunarodnu odgovornost glede zločina genocida. Nisu odgovorni samo pojedinci, odgovorne su i države.

Zbog svega toga IRGC je postao meta mnogobrojnih napada negatora zločina protiv mira i zločina genocida ne samo u Kanadi i SAD, već i šire.

Institut za istraživanje zločina protiv čovječnosti i međunarodnog prava Univerziteta u Sarajevu osuđuje napade na IRGC, smatrajući te napade napadima na sve borce za zaštitu ljudskih prava i sloboda u svijetu, na sve akademike i naučne radnike koji istražuju zločine protiv čovječanstva da bi čovjek bio oslobođen od njih.

Institut za istraživanje zločina protiv čovječnosti i međunarodnog prava Univerziteta u Sarajevu podržava rad Instituta i poziva sve prijatelje istine i pravde, sve borce za zaštitu ljudskih prava i sloboda i sve akademike koji se bave naučnim istraživanjem zločina da podrže rad ove izuzetno značajne akademske ustanove.

Prof. dr. Smail Čekić

D i r e k t o r

Instituta za istraživanje zločina protiv čovječnosti i međunarodnog prava Univerziteta u Sarajevu

### **Osramoćeni "naučnik"**

Srđa Trifković, koji godinama besramno oja po kostima ubijenih Srebreničana, zaustavljen je na kanadskoj graničnoj rampi

Srđi Trifkoviću, američkom državljaninu srpskog porijekla, koji sebe naziva američko-srpskim intelektualcem, piscem, historičarem, političkim analitičarem, islamologom... imigracione vlasti Kanade prošle sedmice uskratile su gostoprimstvo i s aerodroma u Vankuveru prvim letom vratile ga u državu iz koje je i došao. U SAD.

Odluku o zabrani ulaska Trifkovića u Kanadu, gdje je na Univerzitetu Britanska Kolumbija na poziv srpskih studenata trebao održati predavanje, nadležni imigracioni ured donio je nakon što su Institut za istraživanje genocida iz Kanade (IRGC), koji vodi profesor Emir Ramić, te Bosanski akademski krug iz Njemačke dokumentirali Trifkovićev dugogodišnji angažman na negiranju zločina i genocida počinjenog nad Bošnjacima u Srebrenici.

Ovaj slučaj u domaćim medijima uglavnom je popraćen u formi informacije. S razlogom, jer Trifković nije format intelektualca kojem bi se dala posebna medijska pažnja.

Njegova "nauka", naime, uglavnom se svodi na savjetovanje američkog biznismena Miroslava Đorđevića, srpskog prestolonasljednika Aleksandra, zločinke Biljane Plavšić, drugovanja s Radovanom Karadžićem, promocije i govore po pravoslavnim hramovima u SAD te nastupe na intelektualnim vašarima po Srbiji na kojima se veliča sve što je srpsko i negira sve što nije.

Kanada, država čiji je parlament usvojio Rezoluciju o Srebrenici i 11. juli proglasio Danom sjećanja na žrtve Srebrenice, otkazivanjem gostoprimstva čovjeku koji omalovažava srebreničke žrtve i tvrdi da se genocid nije dogodio pokazala je koliko drži do ugleda svojih institucija i odluka koje one donose.

"Intelektualac" Srđa Trifković, koji godinama besramno oja po kostima ubijenih Srebreničana, na kanadskoj graničnoj rampi javno je osramoćen. Uporedo s izbacivanjem iz države, svrstan je uz rame onih koji su genocid činili. Tako to rade države čiji se sistem temelji na provedbi zakona.

A što se tiče BiH, vrijeme je da na pravi način valorizira sve organizacije i ljude kakvi su Emir Ramić i mnogi bosanski intelektualci u svijetu koji se, ne štedeći sebe, godinama uspješno bore protiv raznih falsifikatora i negatora istine o zločinima u BiH.

Almasa Hadzic

### **U povodu orekestriranih napada veliko-srpskih mitomana na Institut za istraživanje genocida Kanada i direktora Emira Ramića**

Na pragu trećeg milenijuma u vremenu kada savremeno čovječanstvo napreduje u svim naučnim disciplinama, kada kvantna fizika otkriva najsitnije detalje stvaranja Univerzuma, srpsko /crnogorski/ veliko-nacionalisti i fašisti nikako da se otarase svetosavske paganske mitomanije, zasnovane na genocidnim kama osnovama i izmišljenoj ugroženosti Srba od svakog i na svim meridijanima i dalje žive u srednjem vijeku i izmišljaju vještice i planiraju inkvizicije planetarnih razmjera. Fašistički nastrojeni kvazi intelektualci iz srpskog mitomanskog korpusa udaraju na intelektualce u državama iz okruženja, ali i na istinske intelektualce vlastitog naroda, samo iz jednog razloga, pokušaj osvješćivanja i edukacije srpskih širih narodnih masa i prihvatanja naučnih istina i rušenja blasfemije i mitomanije. Jednom riječju najugroženija kategorija u srpskom mitomanskom intelektualnom miljeu jeste ISTINA! Laž, kama, paganska misao, želja za krvlju i uništenjem svega različitog od njihovih pogleda generator je svih intelektualnih i drugih nebrojenih zločinačkih pokolja na ISTINU I RAZLIČITOSTI.

Personifikacija oličenja mitomanskog intelektualca, fašiste, lašca, ubice ISTINE imamo u mitomanskom dr. Srđi Trifkoviću i njegovim perfidnim pokušajima ubijanja ISTINE konkretno na slučaju Emira Ramića, direktora i osnivača Instituta za istraživanje genocida Kanade /IRGC/. Pošto je svjetskom javnom mijenju dobro poznata Trifkovićeva fobija od ISTINE i njegovo zalaganje i pokušaji negiranja genocida nad Bošnjacima Bosne i Hercegovine zbog čega mu nedavno nije dozvoljen ulazak u Kanadu, razočaran takvom odlukom kanadskih vlasti, sa velikosrpskim genocidnim ešalomom obrušio se svim raspoloživim sredstvima na uglednog naučnog istraživača Emira Ramića. Izmišljanjem raznih konstrukcija i laži Srđa Trifković sa skribanterijama i intervjuima, izmišlja zavjere, laže, obmanjuje, prepada i ucjenjuje, huška i diže tenzije pretvarajući sebe u navodnu žrtvu navodnih „džihadskih i islamskih“ zavjera povezanih sa raznim sistemima i državama civiliziranih svjetskih država, u konkretnom slučaju Kanade i Amerike. Dobro organiziranim četničkim lobijem i ogromnim parama, po ko zna koji put provjerenim metodama koje prelaze i maštu Gebelsa, Srđa Trifković vješto koristi raspoložive novinarske huškače, iste one koji su i stvorili uvjete za krvavi raspad SFRJ. Pošto, Haški tribunal, na žalost nije sproveo istragu i pohapsio ratne huškače i pse rata navodne novinare mitomanske provicijencije, oni sada osokoljeni udaraju na sve međunarodne institucije koje se bore za istinu i pravdu. Oni koji se dobro sjećaju pamte suđenje Klintonu, Medlin Olbrajt i drugim predsjednicima EU u sred Beograda i izvještaja sa suđenja mitomanskih novinara Trifkovićevih trabanata.

Srđa Trifković uz logistiku četničke dijaspore pokušava obmanuti međunarodnu javnost

plasiranjem laži i pozivanjem na knjige pisane po narudžbini SPC i SANU mitomanije, sebi daje za pravo da tumači i Svetu Knjigu Kur'an, islamsku filozofiju i principe vjere. Da zna jadnik o kakvom se uzvišenom učenju radi nikada ne bi ni slova napisao.

Pažljivom analitičaru koji prati javne nastupe veliko-srpskog nacionaliste Trifkovića lahko može zaključiti da isti osim laži nema šta ponuditi eventualnim citaocima ili slušateljima koji koriste razum. Da se radi o namjenskom indoktriniranju mladeži i sijanju govora mržnje vidljivo je iz svakog njegovog javnog obraćanja koje je preokupirano bolesnim negiranjem genocida nad Bošnjacima koji je počinila njegova pravoslavna kama bratija. Na koga Trifković odapne kamu mržnje i laži, razumom obdareni prepoznaju Istinu. Zato Ramiću budite sigurni da ste na pravom putu i da vašim radom rušite mitomansko prokletstvo, nastavite širiti ISTINU još žješće nego do sada!

Napominjemo da je veliko-srpskom nacionalisti i negatoru genocida Srđi Trifkoviću, 24. februara 2011. bilo je zakazano predavanje na Univerzitetu Britanske Kolumbije u Vankuveru, ali tom prilikom je vraćen sa vaknkuverskog aerodroma uz sljedeće obrazloženje: „Nepoželjan na osnovu kršenja ljudskih prava i(li) međunarodnih prava zbog toga što je bio visoki funkcioner u vlasti koja, po mišljenju ministra, učestvuje ili je učestvovala u terorizmu, sistemskom ili grubom kršenju ljudskih prava, ili genocidu, ratnim zločinima ili zločinima protiv čovječnosti u smislu podsekcija 6 (3) do (5) zakona o Zločinu protiv čovječnosti i ratnih zločina.”

Sada je jasnije ko je ustvari Srđa Trifković i zašto je Institut na čelu sa Ramićem u pravom momentu povukao pravi potez!

### **Apel Braniteljima istine o genocide u BiH**

Samo neprijatelji čovječnosti mogu negirati da je BiH više puta bila izložena genocidnim osvajanjima i pustošenjima. U svim tim genocidima napadani su teritorijalni integritet BiH i njeni suvereni narodi. Povijest je puna primjera da su se Bosanci i Hercegovci, neovisno o vjerskoj opredijeljenosti, hrabro odupirali svim zavojevačima. I nikada nijedan pokušaj asimilacije nije trajno zaživio.

S velikim ogorčenjem pratimo intenziviranje napada putem medija, interneta, telefonskih prijetnji, članovima Instituta za istraživanje genocida Kanasa (IRGC) i Kongresa Bošnjaka Sjeverne Amerike (KBSA).

Uporedo sa diplomatskim pritiscima usmjerenim na prekrajanje granica međunarodno priznate države Republike Bosne i Hercegovine, ravnopravne zajednice konstitutivnih i manjinskih naroda, vodi se organizirana i sinhronizirana kampanja fašističkih i neonacističkih lobija koji postoje i djeluju na tlu Kanade i SAD. Cilj tih retrogradnih post-ratovskih snaga je da se kroz sve forme diskreditacije, pa čak i direktnim prijetnjama rukovodstvu i članovima, ugrozi postojanje IRGC i KBSA. Napadi su posebno intenzivirani nakon što su vlasti Kanade uskratile mogućnost Srđi Trifkoviću da održi predavanje studentima srpske nacionalnosti u Vancouveru. Za žaljenje je da ti mladi ljudi nesvjesno ili svjesno slijede politiku koja je indoktrinirala prvo njihove djedove,

roditelje, a sada i njih, navodeći ih na minoristički stav prema genocidu počinjenim nad BiH, Bošnjacima i ostalim bosanskohercegovačkim narodima kojima je RBiH nedjeljiva i nezamjenljiva domovina, zemlja sa poviješću, kulturnom tradicijom, jezikom, mjestom na geopolitičkoj mapi Europe i svijeta.

Samo neprijatelji čovječnosti mogu negirati da je BiH više puta bila izložena genocidnim osvajanjima i pustošenjima. U svim tim genocidima napadani su teritorijalni integritet BiH i njeni suvereni narodi. Povijest je puna primjera da su se Bosanci i Hercegovci, neovisno o vjerskoj opredijeljenosti, hrabro odupirali svim zavojevačima. I nikada nijedan pokušaj asimilacije nije trajno zaživio.

Opći znamen i karakter svih tih osvajanja je genocid.

Prema definiciji genocida registriranoj u „Konvenciji o sprečavanju i sankcioniranju genocida iz 1948. godine“, pod tom anticivilizacijskom pojavom podrazumijeva se svako nasilno sistematsko djelovanje protiv određene ljudske populacije, s namjerom da se njeni pripadnici ubiju, prognaju, dislociraju, njihova pokretna i nepokretna imovina otme ili prepusti drugom nezakonitom vlasniku. U tu definiciju spadaju teror i lišavanje slobode, mučenje zarobljenika, zlostavljanje i zloupotreba slabih i nezaštićenih osoba.

Rat protiv BiH i poglavito protiv bosanskih muslimana - Bošnjaka, u periodu od 1992. do 1995. vođen je kao klasični genocidni rat. Grad Sarajevo je bilo izloženo genocidnoj blokadi, opsadi, izgladivanju, s neprekidnom artiljerijskom i snajperskom vatrom od strane odmetnutih dijelova JNA, pripojenih paravojnim četničkim formacijama za koje nije bilo važno što se u gradu nalazio i dobar dio pripadnika srpskog naroda. Svi su građani Sarajeva bili otpisani taoci, žrtve patološke opsesije da se ubijaju svim iracionalnim oblicima destrukcije. Isti slučaj je bio s Goraždom, Višegradom, Fočom, Ključem, Bihaćom, Bijeljinom, Banja Lukom, Prijedorom, Srebrenicom i mnogim drugim gradovima u BiH. Kao neprijateljska strana zainteresirana za nasilnu podjelu BiH bila je uključena i Hrvatska, s vjekovnom težnjom da otcijepi dio teritorije BiH. Ustaška tvorevina NDH je svu svoju bestijalnu genocidnost iskazala u toku Drugog svjetskog rata. Nakon primirja u toku epohe socijalizma, iredentističke ambicije Herceg-Bosne i Republike Srpske eskalirale su do nivoa masovnih pogroma. Niko razuman ne može poreći da je njihov ratni aparat funkcionirao kao genocidan sistem.

Zato je od prvorazrednog značaja da se u cilju odbrane istine, morala, pravde, pozitivnog prava i ukupnih tekovina civilizacije, zaštiti IRGC i KBSA i od vlasti Kanade i SAD zatraži najoštrije sankcioniranje svih nosilaca pokušaja ometanja i zastrašivanja članova obe organizacije. Ujedno, ovaj kritični trenutak treba iskoristiti da se i u drugim zemljama počnu formirati slični instituti za sankcioniranje svih oblika genocidnog djelovanja i da se inicira hapšenje počinitelja, ma gdje se oni nalazili i ma koje dužnosti obavljali. Takvih na slobodi ima više od 20.000.

Za pozdraviti je odluku Vlade Kanade da dopusti konstituiranje i djelovanje IRGC, kao i odluka da se bez razlike, svima koji generiraju, propagiraju i šire nacionalnu, vjersku i rasnu netrpeljivost zabrani boravak na njenoj teritoriji.



Kao ljudi posvećeni izučavanju fenomena humanosti i izvora/uzroka antihumanosti, pozivam sve humane ljude, da se pridruže odbrani istine o BiH. Radi još nepronađenih i neokajanih žrtava rata, sveta je dužnost svakog pojedinca da se opredijeli jedino za glas savjesti. Posebno pozivam zavedene pripadnike vjerskih zajednica, političkih i nacionalnih udruga, da se odupru manipulacijama, ratnohušakačkim aspiracijama i da napuste bolesne samoprozvine nacionalne vođe. To nisu istinski harizmatički lideri već destruktivci koji bi tokom svoje lične megalomanske regresije usmjerili cjelokupno društvo ka rubu propasti. Potrebno ih je svuda otkrivati kao protivnike čovječnosti, neprijatelje svog, i svakog drugog naroda. Njihova će imena sud povijesti prije ili kasnije objelodaniti na stubovima srama i pridružiti ih onima koji su već obilježeni kao pripadnici legije terora i nasilne smrti nadužnih. Genocidu se treba aktivno suprotstaviti.

Filosof, publicist, humanist  
prijeratni stanovnik Sarajeva  
Mr. sci. Marjan Hajnal  
Izrael